

Así mesmo, e de conformidade con artigo 253.1 da Lei xeral tributaria, poderán interpoñer recurso de reposición perante o Sr. Alcalde-Presidente, no prazo **dun mes**, que comezará a contar dende o día seguinte ao do remate do período voluntario de pagamento.

Contra a resolución expresa ou presunta do recurso de reposición que no seu caso se formule, poderá interpoñerse recurso contencioso-administrativo na forma e nos prazos que a tal efecto se establecen na Lei Reguladora da referida xurisdición.

Non obstante, poderán interpoñer calquera outro recurso que consideren oportuno.

ANUNCIO DE COBRANZA

Para o cobramento dos mesmos, os contribuíntes que teñan domiciliados os recibos, estes seranlles adebedados nas contas bancarias respectivas. Para os demais contribuíntes os recibos poranse á súa disposición nas oficinas municipais para efectuar o pago.

A presente publicación, nos dous supostos, de edicto de exposición ao público do padrón e anuncio de cobranza en fase voluntaria, ten o carácter de notificación colectiva, ao abeiro do establecido no artigo 102 da referida Lei xeral tributaria.

Ourol, 29 de setembro de 2017.- O Alcalde – Presidente, José Luis Pajón Camba

R. 2942

GUITIRIZ

Anuncio

Sendo aprobado definitivamente polo Pleno do Concello en sesión de data 28/09/2017 a "Ordenanza municipal para a protección e conservación dos camiños e vías públicas municipais en relación coas operacións de saca de madeira" publícase integramente en cumprimento do preceptuado no art. 70.2 da Lei Reguladora das Bases do Réxime Local, entrando en vigor unha vez transcorrido o prazo previsto no artigo 65.2 da Lei 7/1985 do 2 de abril.

Contra esta disposición administrativa de carácter xeral non caberá recurso en vía administrativa, de acordo co artigo 112.3 da Lei 39/2015, do procedemento administrativo común das administracións públicas, se ben se poderá impugnar directamente diante da xurisdición contencioso-administrativa.

De conformidade co establecido no artigo 46 en relación co 10.1.b), ambos os dous da Lei 29/1998, do 23 de xullo, reguladora da xurisdición contencioso-administrativa, contra o presente acordo de aprobación do regulamento, os interesados poderán interpor recurso contencioso-administrativo diante da Sala do Contencioso-Administrativo do Tribunal Superior de Xustiza de Galicia, no prazo de dous meses, contado a partir do día seguinte ao da publicación deste anuncio no Boletín Oficial da Provincia.

Poderán, así mesmo, interpor calquera outro recurso que estimen procedente ou conveniente.

O texto íntegro da ordenanza aprobada é o seguinte:

<<ORDENANZA MUNICIPAL PARA A PROTECCIÓN E CONSERVACIÓN DOS CAMIÑOS E VÍAS PÚBLICAS MUNICIPAIS EN RELACIÓN COAS OPERACIÓNS DE SACA DE MADEIRA.

PREÁMBULO

O 12 de agosto de 2014 publicouse no Boletín Oficial da Provincia de Lugo a segunda Ordenanza Municipal reguladora das condicións de seguridade e salubridade dos usos forestais do solo e dos procesos extractivos da madeira. Durante estes tres anos os servizos técnicos foron conscientes de certas deficiencias xurdidas a través da súa aplicación efectiva

Nembargantes, recentemente acaba de entrar en vigor a Lei 39/2015, do 1 de outubro, do procedemento administrativo común das administracións públicas (LPA, en diante) que na súa Disposición Final Quinta establece que "*En el plazo de un año a partir de la entrada en vigor de la Ley, se deberán adecuar a la misma las normas reguladoras estatales, autonómicas y locales de los distintos procedimientos normativos que sean incompatibles con lo previsto en esta Ley.*" En cumprimento desta Disposición, así como dos artigos 130 e 132 do mesma Lei, o Pleno da Corporación na súa sesión celebrada o día 30/12/2016 aprobou o "*Plan normativo municipal para o ano 2017*" que recolle a Ordenanza Municipal reguladora das condicións de seguridade e salubridade dos usos forestais do solo e dos procesos extractivos da madeira.

Considérase que na modificación proposta se da cumprimento aos principios de boa regulación recollidos no artigo 129 da LPA. Así, en primeiro lugar concorren razón de necesidade e eficacia dado que actualmente a Ordenanza Municipal reguladora das condicións de seguridade e salubridade dos usos forestais do solo e dos procesos extractivos da madeira en algún aspecto está desfasada.

A nova redacción proposta respecta os principios de proporcionalidade dado que se propón:

- Eliminación das referencias á normativa derogada (por exemplo, a Ley 30/1992, do 26 de novembro, do réxime xurídico das administracións públicas e do procedemento administrativo común)
- Mellora da técnica normativa á vista de problemas de tramitación que se foron observando ao longo destes anos de vixencia da ordenanza.
- Eliminación dos trámites innecesarios á vista do novo réxime xurídico do procedemento administrativo común consagrado na Lei 39/2015, do 1 de outubro, do procedemento administrativo común das administracións públicas, entre outras medidas prevese a creación dun rexistro de empresas madeiras, no que se manterá actualizado a documentación, garantindo a eficacia e eficiencia administrativa para que o administrado non teña que aportar a documentación administrativa por duplicado.
- Incorporación de modelos normalizados para inscrición no rexistro de empresas madeiras, solicitude de autorización ou devolución de aval .

A presente ordenanza ten como finalidade de velar pola debida conservación dos camiños e vías públicas municipais, en relación cos danos e desperfectos que poden sufrir os mesmos como consecuencia das operacións de saca de madeira, comprendéndose dentro desta as operacións preparatorias da corta da madeira, almacenamento e transporte.

Resulta tamén prioritario o interese en protexer ás persoas, vivendas e outras edificacións nos supostos de incendios forestais; e para iso é esencial que as vías de acceso ás zonas forestais se atopen sempre en perfecto estado.

O uso dos camiños e vías públicas municipais en condicións óptimas é un dereito de toda a comunidade de usuarios, e esixe dunha intervención administrativa que regule as condicións nas que se deben de realizar as operacións de saca de madeira nos montes e parcelas do Concello, tanto públicos como privados.

Conscientes da importancia do sector forestal, pero tamén da incidencia que esta actividade pode ter na conservación e mantemento das infraestruturas viarias de titularidade municipal, esta ordenanza pretende facer compatible a actividade de aproveitamento forestal coa preservación do medio natural, a protección paisaxística, a conservación dos camiños e a seguridade vial.

En último lugar, para dar cumprimento ao principio de transparencia, esta modificación será obxecto de consulta pública nos termos do artigo 7 das "*Directrices sobre a consulta pública previa no procedemento de Elaboración das Ordenanzas e Regulamentos*", aprobadas polo Pleno da Corporación na súa sesión celebrada o 26/01/2017.

Artigo 1. Obxecto.

A presente ordenanza ten por obxecto a protección e conservación dos camiños e vías públicas municipais fronte os danos e desperfectos que poden sufrir os mesmos como consecuencia das sacas de madeira que se produzan dentro do termo municipal de Guitiriz.

Quedan excluídos da presente ordenanza as pistas forestais tal como son definidas polo artigo 98.1 da Lei 7/2012, do 28 de xuño, de montes de Galicia, isto é todos aqueles camiños de tránsito rodado de titularidade pública ou privadas, fora da rede de estradas, vinculado á xestión forestal e situado en sólo rústico de protección forestal, así como servidumes de paso a fincas de titularidade privada.

Artigo 2. Fundamento.

A regulamentación por medio da presente ordenanza das operacións de saca de madeira fundaméntase no uso das competencias que lle atribúen ao Concello os artigos 25.2.d) e 84 da Lei 7/1985, do 2 de abril, reguladora das bases do réxime local; os artigos 6, 80.2.d) e 286 e seguintes da Lei 5/1997, do 22 de xullo, de Administración Local de Galicia; e os artigos 74 e seguintes do R.D. 1372/1986, do 13 de xuño, polo que se aproba o Regulamento de Bens das Corporacións Locais.

Artigo 3. Ámbito de aplicación.

1.- Para os efectos desta ordenanza, enténdese por operacións de saca de madeira a totalidade das que se desenvolvan para a obtención de madeira de tala, tanto as previas á corta de madeira (desprazamento de vehículos e/ou maquinaria, preparación dos terreos, accesos ás fincas) como as posteriores (preparación, depósito, carga e transporte).

2.- Quedan excluídas do ámbito de aplicación desta ordenanza:

- as talas puntuais de exemplares de árbores illadas
- as podas e refaldes en plantacións forestais
- o clareo de rebrotes de cepa de menos de tres anos
- os traballos de desbroce e limpeza de predios
- as talas que teñan por finalidade os aproveitamentos para uso doméstico, a eliminación dunha situación de perigo para persoas ou bens, ou as que se produzan como consecuencia da enfermidade da especie.

Artigo 4. Rexistro de empresas madeireiras

- B) As persoas físicas ou xurídicas que realicen actividades madeireiras no Concello de Guitiriz deberán inscribirse nun Rexistro establecido para controlar o desenvolvemento destas actividades, no que se fará constar a denominación da empresa, NIF, enderezo, teléfono, correo electrónico e persoa/s de contacto. Recóllese o modelo de solicitude de inscrición no Anexo I, achegando a seguinte documentación:
- C) Copia do NIF ou CIF
- D) Copia compulsada do seguro de responsabilidade civil ou calquera outro similar do madeireiro que cubra os eventuais danos e perxuízos que poidan causarse con ocasión da corta, saca, depósito e transporte de madeira, así como do último recibo pagado, acreditativo de que o dito seguro está vixente no momento de realizarse as ditas operacións. No suposto de que o madeireiro non sexa beneficiario de ningún seguro destas características, deberá facelo constar así expresamente na solicitude de inscrición, e presentar garantía mediante fianza en metálico ou aval bancario na forma e contía establecida no artigo 7º, cada vez que realice unha actividade madeireira.
- E) Listado dos vehículos e maquinaria a empregar nas operacións a desenvolver, detallando o marca, modelo, matrícula, PMA e TARA de cada un.

Artigo 5. Solicitude de autorización de actividades extractivas de madeira

1.- As persoas físicas ou xurídicas que realicen actividades madeireiras no Concello de Guitiriz, unha vez feita a inscrición no rexistro establecido, para garantir a conservación dos camiños e vías públicas municipais con motivo da execución de operacións de saca de madeira dentro do termo municipal de Guitiriz, será obrigatorio presentar, con 15 días hábiles de antelación á data prevista para o inicio da súa execución, unha solicitude de autorización, conforme ao modelo contemplado no Anexo II desta ordenanza, e sen prexuízo da obtención dos permisos e/ou autorizacións sectoriais que, conforme á normativa vixente, sexan necesarios para cortar montes ou terreos forestais.

2.- A solicitude deberá estar asinado polo madeireiro, en el deberán constar os seguintes datos:

- C) Datos de identificación do madeireiro e do propietario forestal:
- D) Persoa física: nome, apelidos, NIF, enderezo e teléfono.
- E) Persoa xurídica: razón social, CIF, enderezo, teléfono, nome, apelidos e NIF do representante da empresa.
- F) Datas previstas de inicio e remate dos traballos de saca de madeira.
- G) Nome do titular ou titulares das parcelas afectadas polo aproveitamento.
- H) Identificación da/as finca/as ou monte/es afectado/os, lugar/es e parroquia onde se sitúa.
- I) Lugar ou lugares previstos para depósito da madeira á espera da súa carga.
- J) Camiños e vías a empregar nas operacións de saca e transporte de madeira.
- K) Declaración responsable do madeireiro de compromiso a repoñer os danos e retirada de restos de biomasa e outro tipo de lixo.

3.- Xunto coa solicitude, deberase aportar a seguinte documentación:

- C) No seu caso, fotocopia da solicitude de autorización para aproveitamento madeireiro, ou da notificación, ante o organismo que corresponda, de conformidade co disposto na Lei 7/2012, de 28 de xuño, de montes de Galicia.
- D) Cando sexa o caso, copia das autorizacións sectoriais precisas (organismo de conca, patrimonio cultural, estradas, etc)
- F)
- E) Plano indicativo dos camiños e vías a empregar nas operacións de saca de madeira e das zonas elixidas para depósito da madeira

4.- Unha vez presentada solicitude, se xurdiran aproveitamentos concatenados de fincas non incluídas ao inicio, estas poderán irse incorporando á solicitude inicial, achegando a documentación esixida no artigo 3, dos montes e/ou parcelas afectados, sempre e cando se empreguen as mesmas vías de saca e os mesmos lugares de acopio inicialmente relacionados.

5.- O madeireiro na súa solicitude entenderá que as vías públicas a empregar atópanse en perfecto estado, agás que achegue unha reportaxe fotográfica do estado anterior das vías a utilizar que será comprobado polos servizos municipais. Posteriormente, trala súa utilización achegará, así mesmo, unha reportaxe fotográfica do estado de discrepancias da anterior.

6.- No caso de que se incumpra a obriga de solicitude de autorización establecida neste artigo, o Concello poderá suspender os actos de saca de madeira que se estean realizando, e proceder de conformidade co establecido nos apartados 2º e 3º do seguinte artigo.

7.- Unha vez presentada no rexistro xeral do Concello a solicitude de autorización xunto coa documentación sinalada nos apartados 2º e 3º deste artigo, o concello notificará a autorización favorable ou non favorable para executar os traballos de aproveitamento madeireiro comunicados.

8.- O Concello, excepcionalmente, poderá denegar ou limitar o acceso e/ou o depósito por calquera das vías ou zonas indicadas na solicitude de autorización, de forma motivada, tendo en conta o seu estado, a resistencia do seu firme, a súa ubicación, a súa utilización na data solicitada para outros fins, ou calquera outra causa xustificada.

Artigo 6. Obrigas.

1.- Son obrigas do madeireiro encargado de realizar as operacións de saca da madeira as seguintes:

- a) Presentar a solicitude de autorización nos termos indicados no artigo anterior.
- b) Sinalizar os viais situados nas zonas de extracción e depósito da madeira, conforme ao establecido na normativa vixente en materia de tráfico, circulación e seguridade vial.
- c) Limpar, retirar ou eliminar os residuos procedentes da corta da madeira e das operacións de carga e almacenamento, de xeito que as pistas, camiños ou espazos públicos queden en todo momento no mesmo estado de limpeza e conservación que tiñan antes de levarse a cabo esas operacións. Esta obriga deberá cumprirse todos os días ao final da xornada de traballo.
- d) Limpar as superficies dos montes e terreos forestais de xeito que non queden restos ou materiais que poidan constituír risco de incendio.
- e) Repor ao seu estado anterior as ramplas abertas para facilitar o acceso ás fincas ou montes.
- f) Deberá sinalizar debidamente os depósitos cun selo cos datos da empresa que está realizando os traballos de aproveitamento madeireiro para que o Concello poida identificar en cada momento á empresa responsable e comprobar se presentou comunicación previa.
- g) Responder dos danos e desperfectos ocasionados nos lugares da tala, viais de acceso, instalacións e demais infraestructuras, como consecuencia da realización das actividades de saca de madeira.
- h) Constituír, de ser o caso, a garantía a favor do Concello, conforme ao establecido no artigo 7.

2.- En caso de que o madeireiro incumpra algunha das obrigas contidas no apartado anterior, o Concello requirirá para o seu cumprimento, outorgándolle o prazo que se considere oportuno en cada caso, sen que poida exceder dun mes. Cando o madeireiro non puidera ser identificado, serán responsables do cumprimento desas obrigas os propietarios dos montes e/ou parcelas de que se trate.

3.- O disposto no apartado anterior deste artigo, enténdese sen prexuízo da imposición das sancións que correspondan polos incumprimentos desta ordenanza, conforme ao establecido nos artigos 8 a 12 da mesma.

Artigo 7. Garantía.

No suposto de que non sexa titular ou beneficiario de ningún seguro de responsabilidade civil ou similar, que garanta a reparación dos danos ou prexuízos que poda ocasionar con motivo das operacións de corta e saca de madeira, o madeireiro deberá constituír fianza en metálico ou aval bancario a prol do Concello na contía fixada que se recolle no seguinte recadro:

Concepto	Garantía
Por tonelada de madeira extraída	1 €/tn
Camiños e pistas, entendéndose como tales o viario con pavimento de terra, zahorra ou similar	1 €/m.l.
Estradas, entendéndose como tales o viario pavimentado con tratamento asfáltico e/ou formigón.	2 €/m.l.

1.- No caso de que a mesma empresa madeireira vaia realizar aproveitamentos concatenados de fincas non incluídas na comunicación previa, deberá presentar a garantía correspondente as toneladas correspondentes.

2.- As empresas madeireiras deberán depositar na Tesourería municipal a garantía a hora de presentar a solicitude de autorización e en todo caso con anterioridade ao comezo dos traballos, a favor do Concello, en calquera das formas establecidas no Texto Refundido da Lei de Contratos del Sector Público, aprobado por Real Decreto Legislativo 3/2011, de 14 de novembro.

3.- No caso de que se incumpra a obriga a que se refire o apartado anterior, o Concello poderá suspender os actos de saca de madeira que se estean realizando, e proceder de conformidade co establecido nos apartados 2º e 3º do artigo 6 desta ordenanza.

4.- Unha vez rematados os traballos de saca de madeira, esta garantía será devolta a petición do madeireiro segundo o Anexo III.

5.- No prazo de 30 días, o Concello devolverá a garantía, previo informe favorable dos Servizos Técnicos Municipais, no que quede reflexado que non se causaron danos nin desperfectos nas vías e infraestruturas públicas municipais, e de que as pistas, camiños ou espazos públicos utilizados se atopan en perfecto estado de conservación e limpeza unha vez rematados os traballos.

6.- En caso de incumprimento das obrigas, o Concello procederá de conformidade co establecido nos apartados 2º e 3º do artigo 6 desta ordenanza.

Transcorrido o prazo outorgado no requirimento, se este foi atendido, o Concello devolverá a garantía, previo informe favorable dos Servizos Técnicos Municipais. De non darse cumprimento ao requirimento, o Concello acordará a execución subsidiaria, e procederá a realización dos traballos que sexan necesarios, a costa do obrigado, sobre o importe da garantía depositada.

7.- Cando as cantidades depositadas en concepto de garantía resulten insuficientes para sufragar os traballos mencionados no parágrafo anterior, recadarase a diferenza en concepto de ingreso de dereito público.

Artigo 8. Exencións da presentación de garantías.

1. Estarán exentos da prestación de garantías os aproveitamentos madeiros e leñosos para uso doméstico, definidos no artigo 19) do Decreto 50/2014, de 10 de Abril, que regula os aproveitamentos madeiros e leñosos, sempre que se cumpran os seguintes requisitos:

- O aproveitamento será exclusivamente para uso doméstico non sendo susceptible de comercialización.
- O aproveitamento non poderá superar os 10 m³ anuais por persoa propietaria.
- A saca da madeira se realizará por medio de tractor e remolque cuxa carga máxima non supere os 3.000 Kg

Artigo 9. Prohibicións.

O madeireiro encargado de realizar as operacións de saca da madeira deberá respectar as seguintes prohibicións:

- Iniciar os traballos de tala sen contar cos permisos e/ou autorizacións sectoriais correspondentes.
- Usar as vías públicas para almacén ou depósito da madeira. Os depósitos de rolla, ramas ou podalla, non poderán invadir as zonas de circulación de vehículos e persoas, nin menoscabar as infraestruturas anexas aos viais, nin supoñer un risco para os usuarios da vía.
- Efectuar desprazamentos de terra que polas súas características deban ser considerados como movementos de terra sen contar coa preceptiva autorización.

Artigo 10. Infraccións.

1.- Constitúen infraccións a esta ordenanza as accións ou omisións tipificadas como moi graves, graves e leves, de conformidade co disposto nos apartados 2º, 3º e 4º deste artigo.

2.- Son infraccións moi graves:

a) Realizar calquera das actividades relacionadas coa saca de madeira sen o previo depósito da garantía no importe que corresponda.

b) Non presentar a solicitude de autorización a que se refire o artigo 5.2 desta ordenanza, unha vez requirido polo Concello e dentro do prazo establecido no requirimento.

c) Non achegar a documentación sinalada no artigo 5.3 desta ordenanza, unha vez requirido polo Concello e dentro do prazo establecido no requirimento.

d) Non realizar os traballos necesarios para que as infraestruturas, pistas, camiños e/ou espazos públicos municipais utilizados se manteñan en perfecto estado de conservación e limpeza unha vez rematados os traballos, unha vez requirido polo Concello e dentro do prazo establecido no requirimento.

e) Ocultar ou falsear calquera dos datos a que se refire o artigo 5.2 desta ordenanza.

f) Ocultar ou falsear a documentación relacionada no artigo 5.3 desta ordenanza.

g) Realizar os traballos de saca de madeira usando infraestruturas, pistas, camiños e/ou espazos públicos municipais respecto dos cales se tivese denegado por parte do Concello a súa utilización.

h) Deixar as vías públicas municipais nun estado que supoña unha situación de risco para a seguridade vial, segundo o informe municipal que se emita.

i) A comisión, nun prazo dun ano, de dúas faltas graves que sexan firmes na vía administrativa.

3. Son infraccións graves:

a) Non presentar a solicitude de autorización (aínda que se achegue despois de ser requirido polo Concello).

b) Deixar as vías municipais en deficiente estado, segundo o informe municipal que se emita.

c) Non derrubar ou non repor ao seu estado orixinal as ramplas ou accesos que se construíron ou abriron para entrar nos terreos.

d) A comisión, nun prazo dun ano, de dúas faltas leves, que sexan firmes na vía administrativa.

4.- Constitúe infracción leve calquera outro incumprimento dos requisitos, obrigas e/ou prohibicións establecidas nesta ordenanza, e que non estea cualificada como moi grave ou grave.

5.- Na valoración da gravidade das infraccións teranse en conta a existencia de intencionalidade, a natureza dos prexuízos causados, a reiteración dos feitos, a capacidade económica do infractor e a intensidade dos danos causados ás vías públicas e/ou aos usuarios das mesmas.

Artigo 11. Responsables.

1.- Serán responsables das infraccións sinaladas no artigo anterior as persoas físicas e xurídicas que as cometan en calidade de madeireiros.

2.- Os propietarios dos montes e/ou parcelas serán responsables das infraccións de que se trate no suposto de non identificar aos madeireiros, unha vez sexan requiridos polo Concello, e transcorrido o prazo de dez días hábiles a contar dende o seguinte ao da recepción do requirimento.

Artigo 12. Procedemento sancionador.

A imposición das sancións requirirá a tramitación do correspondente procedemento, de conformidade co disposto nas Leis 40/2015, do 1 de outubro de 2015, do Réxime Xurídico do Sector público, e 39/2015, do 1 de outubro, do procedemento Administrativo Común das Administracións Públicas.

Artigo 13. Sancións.

1.- As infraccións desta ordenanza serán sancionadas coas seguintes multas:

- Infraccións leves: multa de ata 300,00 euros.

- Infraccións graves: multa de contía comprendida entre 300,01 euros e 1.000,00 euros.

- Faltas moi graves: multa de contía comprendida entre 1.000,01 euros e 3.000,00 euros.

2.- Na gradación das sancións deberase gardar a axeitada adecuación entre a gravidade da infracción cometida e a sanción aplicada.

3.- A imposición das sancións que procedan non eximirá aos responsables de realizar os traballos de limpeza que sexan necesarios, da reparación dos danos causados e de indemnizar polos prexuízos e perdas a que houbese lugar.

Artigo 14. Órganos competentes.

1.- Será órgano competente para iniciar o procedemento sancionador o alcalde ou concelleiro en quen delegue.

2.- A función instrutora exercerase pola autoridade ou funcionario que designe o órgano competente para a incoación do procedemento, sen que poida recaer en quen tivera competencia para resolver o mesmo.

3.- Será órgano competente para resolver o procedemento sancionador o alcalde, o no seu caso, a Xunta de Goberno Local.

Artigo 15. Prescrición das infracción e sancións

1. As infraccións moi graves prescribirán aos tres anos, as graves aos dous anos e as leves aos seis meses, computándose dende o día en que a infracción fora cometida.

2. As sancións impostas por faltas moi graves prescribirán aos tres anos, as impostas por faltas graves aos dous anos e as impostas por faltas leves ao ano, computándose dende o día seguinte a aquel en que adquira firmeza a resolución pola que fora imposta a sanción.

DISPOSICIÓN DEROGATORIA

Queda derogada a ordenanza municipal reguladora das condicións de seguridade e salubridade dos usos forestais do solo e dos procesos extractivos de madeira publicada no BOP nº 184 de 12/08/2014.

DISPOSICIÓN FINAIS.

Primeira.- Habilitase á Alcaldía para ditar as disposicións ou instrucións que resulten necesarias para a interpretación, desenvolvemento e aplicación da presente ordenanza.

Segunda.- En cumprimento do disposto no artigo 70.2 da Lei 7/1985, de 2 de abril, reguladora das bases de réxime local, a presente ordenanza entrará en vigor unha vez que se publique o seu texto integramente no Boletín Oficial da Provincia e transcorra o prazo de quince días hábiles previsto no artigo 65.2 do citado texto legal.>>

ANEXO I

REXISTRO DE EMPRESAS MADEIREIRAS

1. DATOS DA EMPRESA

NOME E APELIDOS OU RAZÓN SOCIAL:			NIF/CIF:
ENDEREZO A EFECTOS DE NOTIFICACIONES:			CONCELLO
PROVINCIA:	CÓDIGO POSTAL:	TELÉFONO:	CORREO ELECTRÓNICO:

2. DATOS DOS VEHÍCULOS E/OU MAQUINARIA A EMPREGAR NA ACTIVIDADE

VEHICULO	MARCA	MODELO	MATRICULA	PMA	TARA

3. DATOS DE IDENTIFICACIÓN DA EMPRESA TRANSPORTISTA (para cubrir só no caso de que as operacións de transporte se realicen por empresa distinta do madeireiro)

NOME E APELIDOS OU RAZÓN SOCIAL:			NIF/CIF:
ENDEREZO A EFECTOS DE NOTIFICACIONES:			CONCELLO
PROVINCIA:	CÓDIGO POSTAL:	TELÉFONO:	CORREO ELECTRÓNICO:

DOCUMENTOS QUE SE ANEXAN (Marque cunha "x" a documentación que se anexa)

Copia do DNI/CIF do interesado.

Copia compulsada do seguro de responsabilidade civil ou calquera outro similar do madeireiro que cubra os eventuais danos e prexuízos que poidan causarse con ocasión da corta e saca de madeira, así como do último recibo pagado, acreditativo de que o dito seguro está vixente no momento de realizarse as ditas operacións.

En _____, a ____ de ____ de 20__

PERSOA INTERESADA OU REPRESENTANTE

Asdo.

ANEXO II

SOLICITUDE DE AUTORIZACIÓN DE ACTIVIDADES EXTRACTIVAS DE MADEIRA

1. DATOS DO RESPONSABLE DA EMPRESA EXTRACTORA

NOME E APELIDOS OU RAZÓN SOCIAL:			NIF/CIF:
ENDEREZO A EFECTOS DE NOTIFICACIONES:			CONCELLO
PROVINCIA:	CÓDIGO POSTAL:	TELÉFONO:	CORREO ELECTRÓNICO:

2. DATOS DO TITULAR DA FINCA

NOME E APELIDOS OU RAZÓN SOCIAL:	
ENDEREZO:	CONCELLO:

3. LOCALIZACION DA FINCA/MONTE AFECTADO

LUGAR/ES:	PARROQUIA:
POLIGONO/OS:	PARCELAS/AS:

4. DATOS DA TALA

CAMIÑOS A EMPREGAR PARA SACA E TRANSPORTE DA MADEIRA:
LUGAR DE DEPOSITO DE MADEIRA E CAMIÑOS A EMPREGAR NA SACA DE MADEIRA:
DATA PREVISTA DE INICIO OS TRABALLOS DE SACA DE MADEIRA:
DATA PREVISTA DE REMATE OS TRABALLOS DE SACA DE MADEIRA:

DECLARACIÓN RESPONSABLE

Como responsable do depósito, saca e transporte de madeira descrito nesta solicitude, comprométeme a reposición de danos nos bens de titularidade municipal e compromiso de retirada da biomasa sobrante que accidentalmente quede depositada nas vías a utilizar, así como todos os lixos que puideran ocasionarse da actividade da zona de extracción.

DOCUMENTOS QUE SE ANEXAN (Marque cunha "x" a documentación que se anexa)

No seu caso, fotocopia da solicitude de autorización para aproveitamento madeireiro, ou da notificación, ante o organismo que corresponda, de conformidade co disposto na Lei 7/2012, de 28 de xuño, de montes de Galicia.

Cando sexa o caso, copia das autorizacións sectoriais precisas (organismo de conca, patrimonio cultural, estradas, etc)

Plano indicativo dos camiños e vías a empregar nas operacións de saca de madeira e das zonas elixidas para depósito da madeira

Copia de transferencia bancaria en concepto de fianza en metálico ou orixinal de aval bancario en concepto de garantía, no caso de non presentar seguro de responsabilidade civil

Outros:

En _____, a ____ de ____ de 20__

PERSOA INTERESADA OU REPRESENTANTE

Asdo.

Continuación anexo II

CALCULO DE GARANTIA

CANTIDADE DE TN. A EXTRAER	GARANTIA (1 €/TN)	IMPORTE

TIPO DE VIA A EMPREGAR	GARANTIA (1 €/METRO LINEAL)	IMPORTE
Camiño de terra, zahorra ou similar		

TIPO DE VIA A EMPREGAR	GARANTIA (2 €/METRO LINEAL)	IMPORTE
Estrada asfaltada, formigón ou similar		

TOTAL	
-------	--

IMPORTE DE FIANZA EN METÁLICO A INGRESAR NO Nº DE CONTA:
 ES20 - 2080 - 0122 - 46 - 3110000022, (A Banca)

OBSERVACIÓNS:

ANEXO III

SOLICITUDE DEVOLUCIÓN DE GARANTIA POR AUTORIZACIÓN DE ACTIVIDADES EXTRACTIVAS DE MADEIRA
--

DATOS SOLICITANTE

NOME E APELIDOS OU RAZON SOCIAL	DNI OU CIF:
ENDEREZO:	TELEFONO

DATOS AUTORIZACIÓN

LUGAR DA SACA E TRANSPORTE	DATA DE VERIFICACIÓN FAVORABLE DA COMUNICACIÓN PREVIA:
DATA DE REMATE DOS TRABALLOS	CUANTIA DE GARANTIA

Unha vez rematado os traballos de actividades extractivas de madeira, solicito a devolución de garantía.

Certificado de conta bancaria para ingreso de fianza en metalico (de ser o caso)

Outros:

En, a de do 20..

Asdo:.....

